


于山奏疏



于山奏牘卷之七

晉西河于成龍北溟父薦  
請免河間災民估買房地疏



長示部  
振聲西

題爲盆窵屢控未伸變產勉圖賠納今限期將迫措辦  
無門願比例交納房資追賣抵償事該臣看得袁珩  
未完逆本銀兩前將親友曹振平所助河間文安兩  
縣房地抵銀六千三百兩內河間縣地每畝作價五  
錢七分草土等房每間作價銀一兩一錢四分計地  
九十三頃四十八畝零房四百三十八間共作價銀

五千八百餘兩准刑部移咨行追變解先據守巡兩道會詳內稱前項地畝悉皆謙薄不堪耕種照時估  
值每地一畝不過價銀一錢其隨地房屋每間不過  
價銀數錢曹振平虛開多價捐助袁珩以抵欠本如  
照部單所開之價勒令種地貧民承買萬難完納請  
照時值估變其所缺之銀仍於袁珩名下補追等因  
經前撫臣金世德移咨刑部咨回仍令照數嚴追變  
賣行據守道叅議董秉忠巡道僉事吳元萊會詳內  
稱前項賺地破房所值無幾河間縣疊罹災荒米珠

薪桂老幼啼饑流離載道幸蒙

皇恩賑濟雖散者復聚而正供輸將不前窮民卽有房地  
尙皆拋棄何能重價置買代完

欽案銀兩若必嚴追佃種之民照數納價貧民不能措交  
勢必逃竄他方是不惟無益於公而反重害災黎仍  
請照依時值變價其原抵逆本不敷之銀在袁珩名  
下追補或將房地仍歸曹振平令代袁珩措完欠銀  
或將房地歸於原業主曹克恭等於克恭名下追出  
原得房地價銀以結夙案統聽部議旣據兩道呈詳

前來理合具  
題伏乞

勅部議覆施行臣未敢擅便謹題請  
旨奉

旨該部議奏

刑部議覆內開該本部議得直隸巡撫于成龍疏稱  
袁珩未完逆本銀兩前將親友曹振平所助河間文  
安兩縣房地抵銀六千三百兩內河間縣房地共作  
價銀五千八百餘兩以抵欠本前項地畝悉皆謙薄

不堪耕種河間縣疊罹災荒若必嚴追佃種之民照  
數納價貧民不能措交勢必逃竄仍請照依時值變  
價其不敷之銀在袁珩名下追補或將房地仍歸曹  
振平代袁珩措完欠銀或將房地歸於原業主曹克  
恭等追出原得房地價銀以結夙案等因具題前來  
據此曹振平所助房地該撫既稱若必嚴追佃種之  
民照數納價貧民不能措交勢必逃竄等語相應將  
曹振平所助房地歸回原主仍於袁珩名下追銀五  
千八百餘兩以完逆本可也康熙十九年八月二十

二日題二十四日奉

旨依議

請寬盜案處分以惜人才疏

題爲盜案之處分久定不敢擅請從寬人才之淹抑可  
矜特爲酌陳通變以鼓舞積困之勞吏事竊查盜案  
處分定例內開道路村庄被劫將承緝州縣印捕官  
併捕盜同知通判任俸文到扣筭限一年緝拿若限  
滿不獲降一級調用又兼轄道官罰俸六個月限一  
年催緝限滿不獲再罰俸一年等語此係已定通行  
之例何敢輕議變更第直屬之盜案與他省迥不相  
同直屬圈殘之區民無恒產旣往往流習非爲而又

旗民襍處乘馬挾矢呼群引類無可稽查紛紛申報  
失事幾無虛日故監司廳印等官求其與盜案脫然  
無累得與陞轉之例者十不能三四其間豈無廉能  
素著之員可期大受者而一官疲劇之區此案未獲  
彼案又起一案幸完數案未獲甚有一日而失盜之  
案數家經年累月攢眉莫策始焉未嘗不勵精求爲  
消弭之計而無如飄忽兇徒焚劫不時積案多宗降  
罰隨至灰心進步無計自拔以

朝廷有用之人才而皆以盜案沉滯鑄級去任殊可憐  
嗚呼臣目擊淹抑多員不得不亟

請稍爲變通也除城內被盜行劫各官仍照定例處分外  
其道路村庄失事在州縣身在地方旣不能消弭於  
未行復不能緝拿於已劫責無可諉一年不能緝獲  
降級調用允宜但原失事之州縣旣降級去任接緝  
之官事不切已恐未肯實心搜緝則強盜反有漏網  
之弊合無將州縣官於一年未能緝半

題叅者降一級仍留原任賊犯照案緝拿若於已叅議  
處之後有能續獲一半以上仍許開復還其原降之

子山奏牒 卷七  
級是於懲過之中寓以勸勉則各官不因去任隳心  
或咸知自奮必能悉力擒拿不致強徒倖免也至於薦  
舉卓異行取官員乃

朝廷超拔人才之典而亦督撫諸臣盡其以人事

君之義但有才守兼優堪膺斯選者每因一二案未完格  
於定例而不敢輕列薦剡致使遠大之器困於百里

淡爲可惜前見江寧撫臣慕天顏爲請

旨行取事一疏將有未完錢糧之知縣林象祖任辰旦  
題請行取欽奉

特旨俞允仰見我

皇上憐才之殷初未欲以成例限人也直隸盜案之多與

江南錢糧之繁事同一轍其中非無品行卓越才具

優長如林任二令者倘邀一視之仁

特開破格之舉遇薦舉

大計及行取之期容臣將真知灼見確有才守之員不

論盜案之銷否一體薦揚以備擢用庶真才不致於

淹抑而

朝廷可收得人之實効矣再查捕盜同知通判雖專司

督緝之任但所屬有十餘州縣及二三十州縣不等  
既不能分身經理又無由遍歷搜拿竟同各州縣一  
體處分似屬過甚查武職議處之例千把等官爲專  
大汛守備等官爲兼轄副叅等官爲統轄州縣印捕既  
與武職專汛之員同一處分則同知通判亦當與武  
職兼轄之員同一處分也比例更定則各廳員未有  
不鼓舞勉力者矣至督緝道員定例原止罰俸臣亦  
何敢再爲置議但於罰俸之外停其陞轉限年緝賊  
今承緝州縣與同知通判既請量輕處分而道員所

轄地方遼濶一歲之內有失事數起至十數起不等  
停陞之案先後接續竟無銷結之期故直屬有督緝  
責任之道員欲與推轉之列終不可得臣思方面大  
吏或由京官改授或由外吏陞補歷任既久率多練  
達之才及其年力精壯正可矢圖報効乃令困頓一  
職無復進階之期更爲可惜况督緝與承緝原自不  
同在承緝州縣等官固應停其陞轉限年緝賊而督  
緝之道員既已罰俸似可免其停陞輕重區別之間  
或亦上下之體統宜然若夫武職副叅等官則又視



文職之道員相等所當併

請一體變通以昭畫一之例者也緣係憐惜人才起見敬

陳末議如果臣言可採伏乞

睿鑒

勅部議覆施行臣未敢擅便謹題請

旨奉

旨九卿詹事科道會議具奏

吏部等衙門議覆內開該臣等會議得直隸巡撫于

成龍疏稱云云相應將此處無庸議餘照前議恭候

皇上

命下臣等遵奉施行謹題請

旨奉

旨直隸地方盜案繁多官民殊爲苦累著將該撫原疏內

各款事情再加逐一詳議具奏欽此再會議得直隸巡

撫于成龍疏稱直屬地方旗民雜處失事甚多故監

司廳印等官求其與盜案脫然無累得與陞轉之列

者十不能三四官員而以盜案沉滯殊可憐惜道路

村庄失事合無將州縣官於一年未能緝半題叅者

降一級仍留原任賊犯照案緝拿若於已處之後有能續獲一半以上仍許開復其原降之級至品行卓越才具優長者遇薦舉

大計行取之期不論盜案之銷否一體薦揚擢用又捕盜同知通判所屬有十餘州縣及二三十州縣不等既不能分身經理又不能遍歷搜拿竟同各州縣一體處分事屬過甚當與武職兼轄之員全一處分至於督緝道員所轄地方遼濶停陞之案先後接續欲與推陞之列終不可得况督緝與承緝原自不同既

已罰俸似可免其停陞若夫武職副叅等官視之道員相等當併請一體變通等語查定例內道路村庄被劫承緝州縣印捕并捕盜同知通判及專汛武職任俸限一年緝拿兼轄道官及兼轄副叅等官罰俸六個月限一年催緝限內拿獲一半者免罪若限滿不獲州縣等官及專汛武職俱降一級調用有加級紀錄准抵道官及兼轄武職罰俸一年賊犯照案緝拿同城知府照州縣例處分等語查盜案限一年不獲卽行降一級調用餘賊交與接任官緝拿限期急

迫本官既經去任接任官事不切已反不將盜賊查拿以致盜賊愈多嗣後州縣等官及專汛武職等官一年限滿不獲降一級留原任再限一年緝拿無級可降之官革職亦留原任限一年緝拿如再不獲調用革職同知通判管轄數州縣應照先定處分兼轄官員例初叅停陞罰俸六個月限一年緝拿限內不獲罰俸一年照案緝拿同城知府以下既有承緝知縣其知府應照同知通判例議處道官與兼轄武職初叅既罰俸六個月免其停陞仍限一年緝拿限滿不獲仍照例罰俸一年若未滿一年之限陞遷照離任官例罰俸一年盜案俱係一體各省盜案亦照此定例行又查定例無錢糧盜案官員方准薦舉卓異行取知縣林象祖任辰旦係奉

特旨准行不爲例在案應將此處無庸議命下之日以後所到盜案照此例議可也等因奉旨依議

請緩徵災邑房課疏

題爲山邑慘罹奇荒房課力難措辦懇祈

題蠲以救民命事該臣看得真定府屬獲鹿井陘曲陽  
平山靈壽五縣連年疊被災傷今歲復遭亢旱經臣  
將所被夏災委員勘明分數具

題在案其應徵房稅銀兩先因難以措納各部俟麥熟  
之後開徵今各縣咸稱房稅緩俟麥熟開徵原望麥  
收輸納今自春至夏亢旱異常麥無收穫災黎救死  
不暇豈能責其完納房稅詳請蠲免前來臣批守道

查議茲據該道叅議董秉忠詳稱獲鹿等五縣連被災荒今又二麥無收日下雖得雨澤止可佈種秋禾救死將來此時正在青黃不接之際若按追徵房稅勢必流離散亡終無有濟臣查宣府被災地方房稅銀兩已蒙

皇恩免徵而獲鹿井陘等五縣災傷與宣府無異其房稅銀兩請俟二十一年徵收不過暫寬時日於稅銀仍可補徵而災黎實沾無窮之惠矣既據該道呈詳前來理合具

題伏乞

勅部議覆施行臣未敢擅便謹題請

旨奉

旨該部議奏

戶部議覆內開該臣等查得直撫于成龍疏稱真定府屬獲鹿等五縣連被災荒今又二麥無收若按限追徵房稅銀兩勢必流離請俟二十一年徵收等因前來查房稅銀兩原係爲接濟兵餉徵取自應照限徵解但該撫旣稱獲鹿等五縣二麥無收若仍按限

追徵百姓困苦等語相應准其俟秋收之日徵解可也等因具題奉

旨依議

報賑宣屬饑民疏

題為欽奉

上諭事康熙二十年六月初七日准戶部咨山西清吏司案呈康熙二十年五月二十七日奉

上諭諭戶部前因大同等處地方自去歲饑荒百姓無食流離失所已經發銀二十萬兩遣官賑濟又將應徵房稅悉與豁免除務期小民家室復完不失故業今復差官各處察看閭閻尚多逃亡田土仍然荒棄耕種無資衣食奚賴朕心深為憫惻所有本年應徵地丁各項正賦

併歷年帶徵拖欠錢糧盡行蠲免但小民困苦已極猶恐無濟目前此外有何應行事宜可以速拯災黎俾得存活者爾部卽行詳議具奏以副朕軫恤百姓至意特諭欽此欽遵該臣等議得除應行事宜另行確議具奏外將大同宣府太原此三處賑過州縣衛所應徵二十年分地丁各項正項錢糧米穀并節年帶徵拖欠錢糧米穀俱行蠲免其未賑州縣衛所錢糧仍照舊徵收俟

命下之日行文該撫將蠲免錢糧之處大張告示通行曉諭俾其均沾

皇上愛民實惠如有不肖官員將蠲免錢糧私徵或被害之民首告或傍人出首者將州縣官照貪官治罪巡撫司道等官一併從重議處現今仍有無食饑民亦未可定應請

勅下直隸山西巡撫作何速行設法賑救以副

皇上愛民至意之處確議舉行可也康熙二十年五月二十九日題六月初二日奉  
旨依議著差爾部賢能司官前往會同該撫賑濟饑民務

使得沾實惠併作何設法拯救著會同詳議具奏欽此  
欽遵抄部送司奉此相應移咨案呈到部移咨到臣  
皇上除將蠲免錢糧之處頒發告示通行七處曉諭務使  
均沾山西巡撫并司道亦遵此以備

皇上愛民實惠外隨該戶部員外郎葉 等同臣會議親  
往七處查看將寔寔乏食饑民自六月十五日起至  
八月十五日止借支存倉米豆再賑兩個月俟勸捐  
補還情由業經會疏

題明臣隨於本月初九日起程亦經具疏

題報在案至本月十四日已抵宣府會同員外郎葉

於十五日開倉賑濟前衛饑民次至萬全左衛懷安

深井堡東城西城蔚州衛俱逐處遍歷親行查賑今

於本月二十八日已經賑完訖臣於所到之處逐一

詳加察看自出居庸關以外地土率皆石積山坡非

如口內平行之原田而時方海暑涼爽自生一似口

內仲秋節令若至仲秋則肅殺之氣已至而草木應

先凋落矣是口外之地勢天時均與口內大不相同

故常年稱爲豐稔之秋亦適與口內之中年相等若



遇雨暘不均則荒歉甚於他處今此七城衛堡去年  
災祲又稱特甚民無素蓄致多饑餒前已蒙我

皇上疊賑之恩得以存活所最苦者尤在錢糧無從措辦  
今兩奉平糶之惠田而執之誠善矣

特恩將應徵房稅銀兩悉與豁除本年應徵地丁各項正  
賦并歷年帶徵拖欠錢糧盡行蠲免萬姓歡呼載道  
幸免催科咸有安居之慶此七處之民情大率如此  
臣等察看宣府前衛地方民間所種麥田雖收穫甚  
薄而秋禾得沾雨澤收成可望見今農忙之際少壯

之人傭工力作俱可度日且豆菓菜蔬之類隨時採  
取可以易米亦可供食較去冬今春與夏初無雨之  
際已大不相同是以請賑之民亦不如前此之多臣  
等查驗將老疾困苦力不能自給者賑過大口饑民  
六十七名萬全左衛地方見今情形大槩與前衛相  
等唯東南之閻家庄等村一帶地土砂磧最甚先遭  
亢旱有棄而不種者有種而至今萎短不堪者臣等  
逐一查驗將實實困苦之饑民賑過大口四百一十  
一名小口一十名懷安衛地方情形亦與前衛相去

不遠而山僻之區窮民較多於附郭之處臣等逐一查驗將實實困苦之饑民賑過大口二百二十名小口一十名淡井堡地方地狹民少見今秋禾較之左懷等衛更爲茂盛臣等查驗除可自食其力者不給外將老弱無力饑民賑過大口十八名小口二名東城地方麥田無收所種秋禾先苦亢旱風沙近賴雨澤連綿不被冰雹之處已漸長茂唯千家營王家窰東水地馬圈堡西水地東六馬房等村於五月十七日爲冰雹打傷間存根渣或復佈晚禾幸今有雨亦漸生發將來少有收穫亦不可定但此等復被災之處民人困苦臣等親詣各村查驗確實賑過大口饑民三百零二名小口一十三名西城地方其情形不特比前左等衛堡懸殊卽較之東城爲尤苦麥田旣不接濟秋收又難懸望其被冰雹打傷之黃羊坡等村共計二十四處禾苗殘毀一空率多拋棄不復再種卽有再種者無力耘鋤草多苗少長不盈寸欲望收成全然難定及查看民間屋舍之內所貯唯有野菜男婦老稚無不饑餓現於形色緣此處被災獨重

是以窮民獨多臣等逐一查驗賑過大口饑民三千二百三十名小口饑民八百五十名蔚州衛地方麥田因旱爲災大率與各處相同而秋禾則較各處爲尤盛臣等查驗除可以力作自食者不賑外將困苦無力饑民賑過大口一百八十名小口二十六名以上七處共賑濟大口饑民四千四百二十八名每名給米二斗四升小口饑民九百一十一名每名給米一斗二升通共借支各倉米一千一百六十六石二斗八升豆五石七斗六升此七處饑民得此兩月米糧已可接濟至秋收凡有收成之處民人俱可自給但如西城等之復被冰雹村庄若秋禾仍無所獲勢須再賑容臣於應賑之時另疏

題明設法拯救至於賑過饑民花名細數已檄令各方官備造清冊俟送到之日咨部查核其借支米豆亦一面勸捐補還併俟捐補交倉之日另咨報部合將臣等賑完緣由具疏

題報伏乞

勅部查照施行臣未敢擅便謹題請

旨奉

旨這賑濟過宣府所屬地方饑民知道了該部知道

報賑濟事竣回署疏

題為恭報微臣回署日期事切臣奉

旨會同戶部員外郎葉倫等賑濟宣屬前左懷蔚四衛東西二城淡井堡七處饑民俱經逐處親查給賑於六月二十八日事竣業經具疏

題報在案臣於拜疏之後於六月二十九日自蔚州衛起程由紫荆關入口於康熙二十年七月初二日回署訖臣於所到之處詳察地方情形諮訪民間疾苦一切利弊所關與應行事宜容臣次第入

告外所有微臣回署日期理合具

題伏乞

勅部查照施行謹具題

知

旨該部知道

雄縣蒙

賜謝

恩疏

奏為恭謝

天恩事恭逢

皇上行幸雄縣地方臣依望

天顏孺誠倍切隨具疏

奏明於康熙二十年九月初十日蒙

欽賜魚二包鹿一隻兔二十隻鴈二隻孤汀五隻臣衙門

筆帖式郎圖賚捧到保臣卽叩頭祇受分頒同城文

武各官均沾

聖惠臣隨躬率守道叅議董秉忠巡道僉事吳元萊保定  
營叅將張玉麒馳赴

行殿祇候

聖安復蒙

恩賜

御膳併賜銀鼠掛一件奶酒一甌臣當卽叩頭謝

恩訖念臣謬任撫

畿毫無寸補屢蒙

聖惠

寵錫頻頒仰承

眷注之彌深益慚報稱之無術唯有矢竭駑駘冀答

隆恩於萬一耳臣謹恭疏

奏謝伏乞

睿鑒施行爲此具本專差提塘李懋功賫捧謹具奏

聞伏候

勅旨奉

旨該部知道

請更定宣屬文武儀注疏

題為宣屬廳員轄衛之分名實未符特

請酌復舊制以重事權以專責任事切照宣府一鎮地處  
邊方雖四境遼濶而山多田少荒沙瀰望寥寥土民  
或築堡以居或穴山為室蓋此地自來為屯牧之所  
原與腹裏不同故於附近口內之處僅置延慶保安  
二州此外唯設有十衛地土人民悉令守備經營而  
衛備之所不及者即令營弁兼理其統轄之官則口  
北道總持要綱六路廳分任督率也緣邊塞之區糧

微丁少不堪爲縣而置衛不必立府而設廳其稽察錢糧督緝盜逃一切地方事務皆六路廳之責任是宣府各衛之屬於廳亦猶州縣之屬於府非若外省衛所徑隸都司與府廳毫無統攝者可比也舊制守備於廳員俱行屬禮自更定儀注以來改行賓主之禮文移俱用手本原爲彼此不相轄而定乃宣府各衛弁亦遂以文武分途竟抗禮平行而稽察不服呼應不靈毫無統轄之實也近如蔚州衛已故守備何藩懷安衛守備王日熹等缺少倉糧皆盈千累萬又

萬全左衛守備吳文儀等或貪縱不法或酷烈濫刑俱經叅究矣至各衛連年本折錢糧率多未完十九年夏秋二災不遵六九兩月之限奏銷文冊至五月終尙無送到悉已逐案叅處而各廳員以有督率之故因之亦屢掛彈章並受處分矣臣思各廳旣任統轄之責必重其統轄之權名實相符則呼應靈而諸事不致廢弛未可以不相轄之廳備概論也合無將宣府衛備於所轄之廳員仍照舊時儀注另行更定庶使各知分之所在不復敢縱恣抗玩而公務獲濟



矣再查城堡守備等官兼管地丁事務者其錢糧亦  
係各廳任其督催稽核而地方有失盜等事除兼轄  
營將外各廳仍有督緝之責是營弁而與衛備無異  
既有廳員統轄之事亦應行廳員統轄之禮所當併  
請更定以重事權以專責任者也臣謹具  
題伏乞  
勅部議覆施行臣未敢擅便謹題請

旨奉

旨該部議奏

禮部議覆內開該臣等查得直撫于成龍疏稱宣府  
衛地土人民悉令衛備經管稽察錢糧督緝逃盜皆  
陸路廳之責任舊制守備於廳員俱行屬禮自更儀  
注以來改行賓王之禮廳員徒有統轄之名而稽察  
不服呼應不靈宣府衛備仍照舊時儀注另行更定  
其城堡營弁所管錢糧與衛弁無異當併更定等語  
查順治十八年臣部與內三院吏兵二部會定文武  
官員相見儀注內各守備見知府同知通判推官俱  
不相轄行賓王之禮等因通行在案相應將撫院于

成龍更定儀注之處無容議奉

旨這各路同知等官有專管稽察錢糧之責屯衛守備與營伍守備不同着再議具奏欽此該臣等再議得直撫于成龍疏稱宣府衛地土人民悉令衛備經營於廳員俱行屬禮自更定儀注以來稽察不服呼應不靈其城堡管弁兼管錢糧者亦與衛弁無異併行更定而公務獲濟等語臣部議仍令無轄行賓主之禮等因具題奉

旨這各路同知等官有專管稽察錢糧之責屯衛守備與營伍守備不同着再議具奏欽此查順治十八年以前所定儀注內既有廳員行屬官之禮嗣後相應照舊定儀注例統轄可也等因具題奉

旨依議

請假歸葬疏

奏爲微臣母喪未葬瀝陳哀衷仰祈

聖慈俯允以全子道事竊惟

聖朝敷教崇孝所以勸忠臣子立身竭忠必先盡孝未有  
子道有虧而可以事

君臨民者也臣山右寒儒早年失恃蒙繼母李氏視臣猶  
之已出教養勤劬恩同乳哺臣於順治十八年叨選  
廣西羅城縣知縣其時臣父久已見背止有繼母在  
堂家世清貧甫除一職間關萬里欲奉母之任而力

有不能僅借二三僕人擔囊而往拋離母氏囑臣妻  
子奉養絕裾之情至今思之猶有餘痛在粵七載於  
康熙六年陞授四川合州知州蜀道險阻自昔稱難  
欲迎母侍養而又不可得至康熙八年陞湖廣黃州  
府同知雖轉遷已就近地而在任四年兩次入

覲兼奉上司委調不常奔馳靡有寧字及十三年二月內  
報陞福建福州府知府留補武昌府知府因浮橋一  
案革職旋補黃州府知府正值兵興終未遂迎養之  
私是臣竊祿有年臣母從未一嘗臣之食也至康熙

十五年十月內接臣母病故訃音五內摧崩隨照例  
詳請回籍守制乃以逆賊梗化軍務倥偬督撫諸臣  
不以臣謏劣勉臣移孝作忠慰留再四隨經

題准在任守制臣於斯時私念母在既不能盡菽水之  
歡而多事之秋若復力請回籍又不能盡鞠躬之義  
則忠孝兩失由是抱哀供職馳驅於軍旅之間而臣  
母停柩在家不遑顧也嗣蒙

皇恩超擢於康熙十六年十月內特陞湖廣分巡下江防  
道十七年六月內復陞福建按察使尋陞本省布政

使十九年二月內  
簡授今職古來  
知遇之隆從無臣比  
前任江防道湖南猶阻聲教及任  
閩省藩臬漳澄正在用兵自抵今任三年有餘而黔  
滇餘孽未盡殘滅  
禁旅尙煩征討  
宵旰未舒臣之私衷何敢遽及且臣受再四  
命撫畿以來毫無寸補而  
聖眷有加本年二月內率夫沙河因得

陛見特蒙

製詩褒美更

賜帑金千兩

御馬二疋又本年九月內

駕幸雄縣復蒙

賜鹿兔魚鴈等物及臣趨候

聖安又蒙

賜銀鼠掛併奶酒

寵錫頻頒

...

榮施逾分感激之私捐軀莫報唯慮暮氣已侵鞭策不效  
何敢言去辜負

聖恩獨是臣於繼母生不能養死不獲殮罪已深重今停  
柩五年有餘尙未歸土如臣之爲子亦何賴焉天倫  
父母事有未盡何以爲人况臣今年六十有五就  
衰邁若再遲延遺此未了大事而溘先朝露則通天  
之罪百世莫逭是以每一廻思而拊膺頓足情難自  
已者也臣前此之奪情留任歷久不敢言歸者緣以  
四宇未寧

王事靡盬人臣義不遑顧親之時也茲接部文滇南逆  
孽蕩平率土歸

王普天同慶從此兵革不用臣民共享太平之樂我

皇上誕敷文德首在扶植綱常敦崇倫理以維萬世之人  
心以固無疆之曆服臣謬任巡撫代宣

聖化亦惟以綱常倫理教人乃躬際太平之盛非復從前  
多事之時若不歸葬母喪是貪戀顯榮忘親背義不  
孝之名不免貽譏於天下後世對屬臨民之際先懷  
慙款又何以勸人興孝思致化民成俗之效耶伏祈

皇上鑒臣私衷

允臣回籍安葬母喪俾臣子道獲全完此一生大事則身  
外更無他慮犬馬餘年皆圖報

聖恩之日矣緣係瀝陳哀衷事理貼黃難盡伏乞

睿鑒俯賜全覽施行爲此具本專差提塘李懋功齎捧謹

皇上具奏

聞伏候

勅旨奉

旨于成龍所奏情辭懇切准假三個月回籍葬母事竣速

行赴任供職該部知道

請全蠲災邑錢糧疏

題爲欽奉

上諭事康熙二十年九月二十三日准戶部咨福建清吏  
司案呈康熙二十年九月二十日奉

上諭諭戶部頃者朕巡行近畿至霸州地方見其田畝窪  
下多遭水患小民生計無資何以供納正賦其該州見  
在被淹田地應徵本年錢糧著察明酌量蠲免以示朕  
勤恤民隱至意爾部卽遵諭行特諭欽此欽遵相應移  
咨直撫將霸州現在被淹田地數目并應蠲錢糧數



目速行查明具題可也等因呈堂奉批行送司奉此案呈到部移咨到臣隨檄直隸守道欽遵將該州見在被淹田地數目并應蠲錢糧數目查明詳報去後今據該道叅議董秉忠呈稱等因呈詳到臣該臣看得霸州地方田畝窪下多遭水患我皇上軫恤災黎困苦特

諭戶部將應蠲本年錢糧察明酌量蠲免部咨行臣將被淹田地并應蠲錢糧各數目查明具

題行據守道叅議董秉忠詳覆查該州水淹地畝先經勘明成災十分九分具疏

題報部覆照例免本年錢糧十分之三在案共計被災地一千五百四頃零本年額徵錢糧共該銀六千三百八十三兩零若照十分免三之數計筭應蠲銀一千九百一十四兩零但該州地勢最窪被水爲患民生之困苦業在我

皇上睿炤之中旣奉

特恩軫恤合無於常例之外將本年錢糧破格全蠲以廣皇仁統聽部臣覆奪旣據該道呈詳前來理合具

題伏乞

勅部議覆施行臣未敢擅便謹題請

旨部覆奉

旨依議

假歸請護印務疏

題為

恩准假期兼膺

新命恭

請道臣護理印務以便交代事康熙二十年十二月二十

六日准吏部咨為微臣母喪未葬等事內開該直隸

巡撫于成龍題前事康熙二十年十二月十八日奉

旨于成龍所奏情辭懇切准假三個月回籍葬母事竣速

行赴任供職該部知道欽此欽遵移咨到臣准此又於

康熙二十年十二月二十八日准吏部咨為補授總督事內開本部題前事康熙二十年十二月二十四日奉

旨于成龍陞補江南總督應兼職銜爾部議奏欽此欽遵移咨到臣准此臣兩按部文俱經恭設香案望

關叩頭謝

恩外竊念臣一介腐儒謬叨

殊恩歷任外吏超擢直隸巡撫年餘以來毫無裨益自揣庸劣常懷覆餗之虞前以母柩久停在家特

請回籍安葬荷蒙

聖慈准假三個月令臣葬母事竣速行赴任供職捧讀之下感激無地正期完臣私衷疾趨供職勉圖後效復

奉

特旨陞補江南總督臣聞

新命不勝惶悚江南繁劇之地總督兼理文武事務任重責大如臣菲才何能勝此然以受

恩深重又不敢控辭有辜

知遇之隆唯有勉竭駑駘冀報

高厚於萬一第臣歸葬母喪奉有

欽定假期而新承

簡命更不便久於遲曠所有直撫印務必須護理有人庶  
臣得以速於交代離任刻期回籍葬母事竣星馳前  
赴新任臣查直隸守道叅議董秉忠操守廉慎才猷  
練達自臣抵任年餘同城共事日益砥礪留心政務  
加意民瘼凡所設施無不允當且查康熙十九年春  
夏之間直撫員缺部

題奉

旨令其護理合無循例將臣印務仍交董秉忠護理自可  
勝任無悞但未奉

旨未敢擅交理合恭疏

題請伏候

命下臣謹遵奉施行臣未敢擅便謹題請

旨奉

旨該部知道

請帶郎筆帖式疏

題爲請隨帶筆帖式以資任使事切照直撫衙門筆帖式郎圖於康熙十三年十二月內安設迄今七年有餘在前撫臣金任內歷久素稱勤慎及臣蒞任以來又經年餘益見其小心供事凡各衙門所行清字文移皆其番譯並無差訛而且安分守法從不干預外務此誠筆帖式中所難得者今臣奉

命陞授江南總督職司軍務凡往來清字文移尤須慎密則番譯之員必誠實循謹臣所素信之人庶可委用

無疑合無將郎圖准臣隨帶江南以資任使聽部議  
命劉奪理合具督撫臣軍海凡掛來尚字文務大原密  
題伏乞 聖鑒事 奉 旨 欽此

勅部議覆施行臣未敢擅便謹題請

旨奉

旨該部知道

### 附弭盜條約

爲申嚴保甲以絕匪類以靖地方事照得直屬逃人盜  
賊大爲民害無論軍民紳士或犯窩逃或被盜劫家業  
不保甚至身命隨之而地隣人等亦咸被其牽累今欲  
爲爾等謀保護安全之計莫如力行保甲古人守望相  
助出入相扶持良法美意可則可做用是因時制宜酌  
定條欵編帙成書務使家喻戶曉共相勸勉以期寧謐  
本部院欽承

簡命撫蒞茲土與爾等情關休戚故不憚諄諄告誡總欲

爾等各守身家非好爲多事也爾等當深思而力行之  
所有條款開列於後

- 一十家立爲一甲務選殷實老成端正勤慎者公舉  
爲甲長報官九家咸聽約束違者稟官重究
- 一十家各開男婦姓名年貌自祖父母及本身妻妾  
至子孫婦女與同居叔姪親戚并婢僕等人口作  
何生理盡數開立門單交與甲長不許遺漏以便  
認識稽查違者重究
- 一九家民人互相保結其結內開某人作何生理平

日并無窩逃蓄盜交結匪類出入旗下勾連生事  
遊手賭飲撒潑兇惡結黨刁訟起滅是非等項如  
有此等事犯某人家甘受連坐所結是實九家各  
具互結一張交付甲長以便編入甲內如朦混具  
結地方官查出九家各責三十板枷號兩個月敢  
有抗違不遵入甲者重究

- 一九家之中平日有窩逃蓄盜交結匪類出入旗下  
勾連生事者八家不敢互結許本人赴官自首改  
過遷善咸與自新地方官另訂一冊開列姓名或

他處舊案扳犯許將本犯悔過首詞敘入以開生  
路或怙惡不悛地方官執法究治如力不能制者  
立刻申報以憑核參挈問其餘游手賭飲撒潑兇  
惡排黨刁訟起滅是非者八家不肯互結亦另訂  
一冊開列姓名不時稽查違者重究  
一甲長訂一甲簿凡十家之內有出外行走者卽報  
明甲長今往某處公幹甲長註入簿內回日仍報  
明甲長某日事畢回轉卽於簿內去時項下註明  
以便稽查或恃惡不報或詭秘不報八家查明其

不在家卽報甲長註簿次早報官拿究或八家通  
同隱諱不報甲長查出註簿報官本家與來人審  
明口供如來人清白任其回去本家仍以失報責  
二十板八家各責十五板如來人不端卽差役押  
解原籍地方官查收註簿取收管於本處簿內註  
解收訖本家責四十板枷號三個月八家各責二  
十板枷號兩個月違者重究

一十家之中立有甲長或不諳書寫卽請隣佑識字  
者登記或甲長有事他往卽報明九家公同註簿



將簿轉付甲內人收管登記甲長回日仍同九家將回轉情由註簿將簿收回如甲長家有親客來往亦照九家例註簿違者重究

一市鎮居民開店接客須訂一簿每晚客寓同行幾人務查問客衆姓名係何處人氏來往何處或何公幹生理有無弓箭什物或自備騾馬或僱長脚將騾馬毛色認明或孤客步履有無行李盡數登記簿內次早或去或住報送甲長查閱如有來歷誑張語言恍惚踪跡可疑卽密傳甲長保長窺伺去向夜晚小心隄防次日勿令早行以備不虞如玩忽不記他處失事行查店家簿內未開者從重治罪

一十家之中有鄉紳兩榜貢監生員不便與庶民同例編查但直屬逃盜肆害夜不安枕白晝劫殺幾無虛日紳衿咸受荼毒歷歷有案該地方官酌議或鄉紳立一冊文武兩榜各立一冊貢監生員各立一冊將家僕盡數開列冊內邇來風俗頹靡有以武舉而窩盜者有以武生而爲盜者種種不法

已經事犯似應武舉貢監生員互相保結武舉貢  
監責之縣官文武生員責之教官如生員抗不互  
結者教官移縣轉詳如武舉貢監抗不互結者縣  
官申詳一併查究或武舉貢監生員居處隔遠未  
悉素行不便互保者另列一冊如係鄉居願編入  
村庄保甲者聽其自便此分別貴賤之法以寓弭  
盜安民之意法在必行違者重究

一鄉村各有垣墻此弭盜安民之善制也日久剝蝕  
多有倒壞目今農隙正宜同心協力補葺壞垣修  
理柵欄各甲長公訂一簿輪流派撥某日某人幾  
名看守柵欄某人幾名值日查夜登記簿內或遇  
盜警本村放炮鳴鐘擊鑼大家救護如堵禦不能  
入柵行劫者巡夜同守柵欄人等報明地方官各  
賞紅布五尺如已入柵欄力能救護不致失事者  
巡夜守柵人等報官各賞紅布一丈如當場打死  
擒獲盜賊者巡夜守柵人等各賞紅布一疋倘先  
事不能知覺臨時不肯救援以致盜賊入柵劫去  
財物拷傷失主者隣佑并巡夜守柵人等一併究

治敢隱諱不報者十家以通賊論

一村庄居民一甲以至數十甲若無統屬則呼應不靈應設一保長以統率各甲或村庄止有一甲將附近村庄甲長聯成一處公舉一賢能保長料理地方各甲長將花名交付保長保長將各甲合總報官以憑稽察凡遇隣村有事保長聞鐘炮鑼聲立刻傳炮各村一齊放炮保長卽率所管村庄甲長一面分衆各據要路堵截一面率衆直赴當場救援或當場殺獲賊徒或要路擒拏賊徒者每名

各賞銀五錢甲長賞銀一兩保長賞銀二兩如保長聞隣村放炮不傳炮者罪坐保長甲長聞保長放炮不傳炮者罪坐甲長如甲長傳炮甲內人丁不赴援者罪坐各家如當場退縮觀望不前致賊逸脫者罪坐保長如分撥堵守要路放脫賊走者卽未受賊賄甲長亦應治罪法在必行違者重究一地方設立保甲長協力守禦不可無器械使用查一村之中須置炮一杆鑼數面各家成丁者各備門棍一條凡遇盜警先放炮以便保長會衆救援

兼以鐘鑼齊擊則各家奮勇爭先更查甲內或有  
鳥鎗弓箭腰刀鐵尺長槍鐵叉之家開明報官量  
留鳥鎗弓箭數件地方官書押鐫刻於上仍給本  
主甲長同本主具領存案不許攜帶別處行走如  
有遺失從重治罪其餘盡收入官照物給價如有  
匿藏甲長與八家首報本家以通賊論如甲長八  
家未經查出被傍人首報甲長與八家連坐至於  
刀尺鎗叉槩鐫本家姓名當官驗明登記簿內以  
便稽察違者重究

一地方人民有在圈佔莊內居住旗房者查明幾家  
照例編入附近村民甲內如有抗違不服者查拘  
十家親屬務獲正身面取親屬保結交付甲長誣入簿  
內本身仍以抗違

王法枷責不饒

一十家之內有窮苦民人不能度日者甲長報知地  
方官另造一冊設法養濟如此等民人既不敢出  
外行走又無地土生意甲長不報罪坐甲長甲長  
已報地方官任其困餓顛連以致喪命溝壑或典

僱旗下苟延歲月本院訪聞縣官以不職糾叅如  
能設法生理養濟四季詳報存案以便紀功舉薦  
以上各款務須恪遵實行不得視爲具文常套悞身  
家而干法紀保甲人等亦不得藉端滋擾自取罪戾  
後悔無及須至冊諭者

續增條約

十家互結之法本部院在楚行之已久然在直隸有行  
不去者祇因南北風氣不同習俗亦異今加意諮訪有  
前此條約中所未備者酌增數則附列於後

一直屬有等大盜彰明較著稱爲馬上好漢子地方  
人等畏之如虎敬之如神稍有拂意卽白晝劫殺  
或暮夜殺死全家凡屬良民口稱犯了王法止一  
人死惱了大盜則全家死因之寧死王法決不敢  
惱了大盜也從此思之求一不敢互保之人家不  
可得矣隱忍獻媚求保身家誰敢不保大盜如此  
保甲竟爲養盜圈套嗣後地方官先訪大盜姓名  
密稟本院務憂深慮遠設法擒拿立斃杖下王法  
旣行則良民有所倚靠氣直膽壯互保之法方能

著實行去切勿如從前淡州之受賊賄束鹿之畏賊鋒致大盜蜂起釀禍迄今不可救止也

一禁馬之法本院業已飭行邇來密訪此法止可行之於良民百姓決不能行之於巨窩大盜凡屬窩家俱是大有身家之人院宇深邃僕從衆多馬疋弓箭器械無不備具且鄉愚村民望風潛伏稍有身家託爲姻契不肖有司受其餽獻結成相知且自己贓跡纍纍畏其訐告一入牢籠明知故隱一經事犯多方遮飾地方百姓知其手眼通神怕到

官不得死無奈聯名公保預爲結識之地其中黨羽引類呼朋極口稱冤每每釋放竟無顧忌若夫巨盜重價購買健馬追風逐電防汛官兵望風縮頭誰敢向前堵敵此等馬疋俱養之各處窩家踏就生意取之如攜一經事犯卽藏窩家如追緝急逼或潛匿

京邸或投充旗下地方官莫可誰何且此輩舉動更爲駭人有買驢騾日行二三百里者有步行一日一夜走三四百里者今日打劫明日已離失處數

著實行去切勿如從前淡州之受賊賄束鹿之畏賊鋒致大盜蜂起釀禍迄今不可救止也

一禁馬之法本院業已飭行邇來密訪此法止可行之於良民百姓決不能行之於巨窩大盜凡屬窩家俱是大有身家之人院宇深遠僕從衆多馬疋弓箭器械無不備具且鄉愚村民望風懼伏稍有身家託爲姻契不肖有司受其餽獻結成相知且自己贓跡纍纍畏其訐告一入牢籠明知故隱一經事犯多方遮飾地方百姓知其手眼通神怕到

官不得死無奈聯名公保預爲結識之地其中黨羽引類呼朋極口稱冤每每釋放竟無顧忌若夫巨盜重價購買健馬追風逐電防汛官兵望風縮頭誰敢向前堵敵此等馬疋俱養之各處窩家踏就生意取之如攜一經事犯卽藏窩家如追緝急

逼或潛匿

京邸或投充旗下地方官莫可誰何且此輩舉動更爲駭人有買驢騾日行二三百里者有步行一日一夜走三四百里者今日打劫明日已離失處數

百里矣因此事犯多被辨脫此種大盜一日不除則河南山東直隸終無寧晷嗣後地方官務要廉靜自守端正寡交更留心密訪切勿如滄州之被其愚弄則大窩必然斂手一切巨盜嫖賭性成揮金如土手頭一空便思行劫東來西去到處狐群狗黨交相容匿不肯改悔不死不休且賊通九州某處有一生意便來勾引既已入夥明知事犯到官不饒總屬死命欲不去而不可得與言及此亦覺可憐一步錯了滿盤是錯地方官須要恩威并

用將此夥巨盜心上時刻記筭不要一刻放下某賊某日在某處卽行密拿一經擒獲便思了當如某賊已有悔萌卽傳投見善爲解救處置得宜如事發緝拏逼急無處躲閃投見求免者萬萬不得寬縱立刻綁送失事地方切不可被他哄了總之天下無難事只怕不用心若將問百姓要銀子這副心腸用在拏強盜上何事不成各地方官都一心做起來賊無容身之地何愁地方不太平著實細心叅閱



一州縣地方或有一村都是盜一家祖孫父子世世  
做賊這互保之法如何行得去甲長是盜九家是  
盜明是強盜保強盜此處沒奈何只得亦編成保  
甲姑入羅網大約良民多賊盜少務擇有身家有  
才幹的做一保長立禁止夜行木牌時刻叮嚀各  
處甲長大家隄防看明這一村的出路去路於要  
緊路口埋伏鄉夫如遇此村人黑夜行走卽行綁  
鎖次日稟官嚴審如無謀劫實跡治以夜行之罪  
如此防閑日久彼不得動手或稍斂盜心亦未可

定此蓬生麻中不扶自植之謂也著實奉行

一保甲之法一行盜賊不得動手必與地方官爲仇  
讐須要時刻防備這夥強盜謀害白日謹守城門  
稽察出入著巡捕官每日落時逐戶查問并菴觀  
寺院不許容留閒人更於衙內建一敵樓頂上蓋  
房二間每晚家人巡更地方官帶印宿於中一層  
嚴守樓門再於衙舍外邊撥更夫巡邏以防報復  
此先保其身方可實行保甲切勿疎虞  
一賭博乃爲盜之根屢奉嚴禁法令不容寬假邇來

訪得直屬每遇集市一夥大盜公然放頭開賭地  
保不敢過問地方官竟置膜視全不禁止這夥將  
打劫之物一擲輸去又商議行劫隨劫隨輸隨輸  
隨劫終無了日又將沒飯喫的窮人勾引在內地  
方官平日不肯禁賭養成盜黨及至事犯把入夥  
的窮民拿來一例梟斬於心忍乎此種罪過都在  
地方官身上只是貪財迷竅全不思想殺了這些  
窮人到陰司底下那個不嚷鬧終久一命要還一  
命遠在兒孫近在身何如打起精神嚴禁賭博稽

查貧乏不知救了多少人的性命祿位如何不崢  
嶸子孫如何不昌大功德無邊比要銀子十分受  
用十分放心地方官要留心參閱

驅馳王事入彭川旅舍

冬蜀道中

于山奏牘卷之七

終

于山奏牘

卷七

吳

用十冬效心世式官要留心參閱  
 想殺了這些  
 糶千解收向不昌大也無幾此要賒千冬受  
 查貧之不映姓了冬少人曾到命新並收向不判

于山詩詞合選卷之八

晉西河于成龍北溟父著

戊申除夕入彭水採楠木宿神祠側作

驅馳王事入彭川  
 旅舍神宮辭舊年  
 七載羅陽梅弄影  
 三冬蜀道柳含煙  
 石龜氣負星文粲  
 林鳥聲催草木鮮  
 忽憶家鄉思對鏡  
 明晨霜鬢獨淒然

濮湖夜月

水落林空蔓草長  
 猿吟虎嘯石龕傍  
 攀蘿尋勝窮人力  
 月色悠然照古塘

東津漁火

夜靜沙寒灘水鳴雲橫露冷渡浮萍星垂兩岸青  
燐見故遣幽人撒網驚

魚城煙雨

石城遙望碧雲端峭壁荒涼煙水寒屈指興亡幾許事清  
風明月在江干

金沙落雁

金沙依舊掛灘長孤雁飛飛下夕陽煙斷水寒棲不定稻  
梁覓處是他鄉

老女吟

妾身已許嫁梅實過三春四德未敢敦歸期何尙迪豈爲  
儂貌寢應是婿家貧冰融霜又至何以采澗濱布絲郎可  
質井臼妾所親旭日雁聲寂蛾眉低自輦誰家車和馬百  
兩爛其隣妾命嗟成薄桃葉空蓊蓊拊心扣昊天終待結  
朱陳就使窮難嫁詎將香逐塵悲思古賢婦饋饁敬如賓  
印友心同否有生殊不均

晚菊

年年九日報花開偏爾今年懶脫腮似怕主人添瘦骨綻

黃歛影乍徘徊

又

桃李芳菲盡有期  
菊花愛晚獨遲遲  
西風搖落今重九  
尙爾韜英更待誰

又

籬邊把酒問青天  
何苦繁霜帶醉煙  
縱使向榮嗟已暮  
更遲疎影益人憐

又

一般培植百花臺  
衆卉爭妍不肯開  
趣取清標須速發  
莫

虛涼序問將來

粵西九日

冷落荒城又一秋  
每逢佳節轉添愁  
黃茅嶂遠今猶古  
白髮風淒嘆復羞  
菊瘦懶看空淚落  
雁回遙望暮雲收  
閉門却厭登高去  
醉裏心寬到故丘

偶吟

石崇豪貴范丹貧  
生後生前定有因  
傳語世間名利客  
不如安命是高人

寫夢

終日思家悵復吁  
夢魂飛泊洞庭湖  
忽驚信篆歸何處  
別却耆童覓舊途

中秋值雨有感  
正擬中秋看月華  
無端雨後黑雲遮  
天公有意朦朧過  
不許清光照碧紗

其二

歲歲中秋離別天  
登樓羞看月團圓  
嫦娥會得愁人意  
雲閉寒宮合早眠

秋吟

一年又有一年秋  
難禁時時憶故丘  
獨坐琴臺心萬里  
風前草木盡含愁

其二

漫誇解綬是何人  
五斗安能強絆身  
屈指古今猶未遠  
閒看菊蘂倍傷神

無酒  
一夜一壺酒  
床頭已乏錢  
強欲禁酷我  
通宵竟不眠

春雨

屈指春三月  
連陰九十朝  
花片落泥溇  
柴煙帶濕燒

春暮

清明方過去，穀雨又新來。眼看春光盡，遊人何日回。

客訪溪

我來客訪溪，獨坐夕陽西。古道荒已沒，隔離聞鳥啼。

春月

臘月出門履，雪山梅花向暖綻。紅顏春來桃李橫，岡嶺我自披裘草色閒。

蜀中山行

幾人鞅掌幾人閒，山裏僧家獨閉關。風雨一犁堪自慰，醉

歸春社月西灣。

自吟

自吟

逢人漫道不如意，滿腹原來不合時。回首青山千萬里，樂

天安命亦何疑。

鷄冠花

亭亭赤幘岸臺端，傲出風霜不自寒。要識朝陽憑一唱，扶

桑高捧海瀾安。

成都

兩任邊荒囊乏錢，低頭羞語尉巡前。淮陰受却少年辱也。

了前生一惡緣

又

易老馮唐虛歲月難封李廣未公侯晉秦同好今吳越只  
爲方圓不可儔

又

萬里孤舟亦一官窮途主僕強加飧單衣難禦朔風冷倚  
戶無言白眼看

蜀道

平明行過躡龍橋龍去橋橫溪水消雲首烏鳶飛作隊關  
前狼虎怒爲剽天寧悔禍常霾雨人未全生總寂寥多少  
古來繁會地徐驅疲蹇欲魂銷

又

漫看一霧帶山腰山外長松翠自搖北地小春花六出西  
川溪谷雨連宵紅黃半雜厓間樹上下全崎渡處橈煙斷  
日晴迷古徑馬啼艱澁憶嫖姚

霧

大霧滿虛空山川一混濛人聲遠近際樹色有無中旭日  
光微杳羣陰慘薄叢模糊難見路舉足我心忡



長安邸中午日  
十載浮萍宦異鄉  
回思已事倍神愴  
榴裙噴火紅顏好  
荷蓋擎珠綠水涼  
泡雨有無呼吸變  
奇雲生滅古今忙  
悲歌慷慨當年夢  
白髮空慚續命長

夢境

夢裏單眸一老翁  
胡床岸幘貌如童  
橫談往事多奇異  
笑指英才在座中  
說到當年開福地  
蟪蛄蝻蛇嚙體漫  
飛空問吾來楚若  
干紀六載流光荆棘叢

又

門外依稀佳客至  
非仙非佛隔窓東  
贈儂一束古詩卷  
蚪開書久別公夢  
轉含糊難記憶  
簷前錯認五更風  
一聲雲板徹寒暑  
萬事攢心日未紅

戊午監試楚闈作

皓月懸明遠奎光  
暎素秋瑤圖五老  
獻玉署衆英儔  
桂影天香發卿雲  
瑞氣浮末員微効  
職爲國廣薪樞

偶書

春來陰雨多春去  
晴光好花盡妬蜂  
鬚雛翎驚鷓爪  
柴門留月看琴堦  
倩風掃物理自如  
此鶯殘茂葉老

冬至渡淮

鳳陽路值一陽天  
霜透征裘陟巘巔  
九里山前沙草合  
石頭城角水雲連  
雙鳧唼喋浮淮浦  
孤雁翩翻下泗壩  
馬首北來閒吊古  
舊陵宮樹不知年

過虞姬墓

在靈璧縣有紅色草見人輒舞俗名美人草和前人韻

陰陵古道照殘陽  
策蹇荒塋弔楚亾  
血灑西風猿嘯月  
氣吞白帝劍生霜  
貞魂傍逐烏騅逝  
烈骨長凝碧草香  
行客莫知悲舞意  
春來疑作妬新妝

又

破秦當日劔咸陽  
及敗誰嗔困北邙  
玉玦無謀定天下  
青鋒有意謝君王  
八千歌散腸應斷  
九里煙銷骨尚香  
悔比樊姬差一諫  
空令死血舞紅妝

銅雀臺

半為漳水所壞

銅雀空臺漳水流  
雲橫煙斷笑殘丘  
千門鎖鑰風塵暗  
萬里河山落日收  
才子文章堪極目  
美人聲伎半成洲  
英雄一世今安在  
明月依然是漢秋

中途遇雪

陰雲漠漠朔風寒  
雪染征裘行路難  
霰集冰凋憐馬滑  
花

飛枝壓總心酸離披短袖侵皮綻荏苒長途刻骨癢更憾  
蒼頭偏捨白何時高臥學袁安

一代兄憶弟

天光黯澹雁行斜斷續行雲映遠霞太乙吹藜頭出火蠹  
魚蝕字復生花素琴懸壁宮聲合青草當庭春意賒太史  
於今瞻紫氣德星應集我荀家

自嘆

病體渾無力閒愁誰與憐炎涼悲一一豎狐蜮寄丹田不願  
上方劍但持感應篇小官缺養母浮譽惱羣賢久欲歸林  
臥豈爲升斗牽菩提垂慈訓真覺孽難前廉隅雖尋丈光  
明卽佛仙隱微多玷垢冥府不矜全只謂堪瞞衆誰知難  
哄天晨夕朝太岳思結再生緣輕脫敝衣裘予將撇俗纏  
秋風吹細雨霹靂護青蓮

賀壽

才猷當代仰宗工經濟文章自不同名著玉堂稱繡虎功  
齊銅柱集飛鴻一身化育鈞陶際萬姓生成指顧中從此  
豫州多氣象惟憑湘澤望高嵩

又

數年寒暑戴清輝爲戀浚恩尙未歸挾纊何緣同縞帶捉襟殊愧等緇衣盾邊檄就常摧敵馬上詩成已解圍敢訂中原霖雨足願分餘潤慰調饑

贈屬邑

浞川淑氣冠齊安撫字催科萬姓寬尤望冰壺澄到底神君年少足稱歡

勸民

黃俗喜訟鎮岐時作此勸之

閉門且避事省爾窮民錢莫憾居官懶妻孥望爾還倉中無一粒比日斷晨煙儂自甘心餓嬌兒兩淚漣肝腸痛碎

絕中夜不能眠望爾覓升斗忽聞訟獄牽哀哉饑欲死尙逞爾輕懷健訟因亾產饑寒猶不悛痛兒兼痛爾無食誰爲憐挖蕨奴甘去爾回種麥田強如羅鼠雀枵腹與人喧安分救兒女空中自有天莫生在蕩想官府自周全萬一無生路清貧赴九泉我今歌且泣勸爾此長篇

讀聘君歌

挑燈夜讀聘君歌句句關情觸目多萬物生來同此性吾民不聽却因何將水刃魚請買肉食魚請買肉請買肉請買肉挑燈夜讀聘君歌引得船頭駭浪多風雨無心猶會意吾

民不聽却因何  
挑燈夜讀聘君歌  
水底魚龍噴浪多  
浪裏魚龍猶聽講  
吾民不聽却因何  
民不聽却因何  
挑燈夜讀聘君歌  
江色星光隱沒多  
雲橫斗轉星還現  
吾民不聽却因何  
容細讀聘君歌  
吾民不聽却因何  
答杖流徒總是多  
偏與人猜猜不著從  
容細讀聘君歌  
吾民不聽却因何  
月旦鄉銘講亦多  
室暗心虧神自電  
從容細讀聘君歌  
吾民不聽却因何  
表正影端差莫多  
俸祿脂膏皆妙語也  
須添入聽君歌

紀行

鷄鳴起茅店  
晨路漸熹微  
東北朝

天子周馳望

帝畿隻身走古道  
何必雲錦飛  
朔風吹栗冽  
霰粒灑征衣  
兩耳兜入帽  
兩腮削故肥  
足水拳燈蹶  
手鞍垂鞭揮  
南楚寒

暄半六花滿亦稀前後難遮顧僕夫徒歔歔急求旅店火  
冷戰念天威晨興復登路重山白霏霏面目加黧黑鬚髯  
戟旂旂苦極還自慰歷險忘其碻指日拜

天關天香可袖歸十年奔故里未息漢陰機

除夕

除夕三十日江黃萬象新陰雲天地暖細雨柳梅春咫尺  
瞻

龍座劬勞自小臣壺漿難濟衆掃榻且迎賓爆竹幾家響椒  
盤生底塵

其二

政餘空閉目燈燭忽輝光香瓣通三界人天依粉墻朦朧  
試一看惻惻使心傷

其三

四壁音容慘忽焉思故鄉老妻知歲事料得一家忙誰念  
居官者隻身惟雪霜幸兒伴我側談笑且開觴只恐倚門  
望淒然憾夜長

其四

新春指日過遊子整歸鞭舞綵期非遠雁行共一天老夫

惟自苦形影誰爲憐升斗羈難去妻孥情共牽况經饑饉  
日觸目誰仔肩祈得麥新熟平安報有年家中莫怨望拂  
裏此心堅

夢餐優曇花作

余讀書山寺時夢餐優鉢羅花卽吟一句云仙人  
賜我鉢羅花醒語純天上人檢藏知鉢羅花卽優  
曇花也因賦以誌

優曇曾記夢中餐山寺日高柏水寒雲繞佛龕常五色香  
飄精舍比芝蘭生平未識金銀氣偶爾輕拋麋鹿難四十

年來魔障盡好教拂袖紫霞端

庚申除夕上谷署中作

今夕是何夕明晨二十年三冬無再雪萬戶有孤煙爆竹  
誰家響盆花幾處鮮早朝齊拜舞誰上彗星篇竈冷疇爲  
祀井寒空自漣哀哉子遺嘆忍待麥芊芊

辛酉上元上谷祈雨作

時經臘無雪恐傷二麥特齋  
三月糞少回天意故作此示  
羣僚俾各知  
所省戒云

皓月當空照黃塵逐日飛求沾驚蟄雨腸斷幾千回

壬戌秋九金陵署夢中作

牢落風塵裏三千白髮新跨虹湖色變嘯月海嵐親椒雨  
 鐵牛廠菊霜金馬隣日來未出鷲營雨飄飄幾千回  
 帝鄉咫尺近浩氣達西秦

詩餘

憶王孫

黃昏獨自聽烏啼芳草樓前漸滿堤寄語王孫莫意迷  
 須歸花影將斜月欲西

如夢令

歲暮容顏非舊食少形骸消瘦睡起不勝愁頻叫蒼徒斟  
 酒斟酒斟酒夢見故鄉花柳

又

赤壁鶯啼岸柳岐鎮雨肥園韭憶別若為情且看燕飛紅



瘦回首回首穀雨清明時候

滿庭芳

脫却蠻烟奔離蜀道三年又滿光黃生來命薄才力比誰  
強眼見此身已老消磨了多少疎狂百年裏有幾人跳出  
傀儡逢場。思量還故里簞瓢陋巷澹泊何妨任隨緣過  
日說甚彭殤幸遇杏花赤壁訪遺跡感慨悲傷尋兩地半  
丘荒草一望白雲鄉

百字令

楚天和靄忽風狂雲黯霎時雨洩濺入篷窓噴碎玉濕透  
竹穹珠滴鼉怒龍吟雷轟電掣永夜無休歇挑燈倚枕恐  
把危檣吹揭待旦爽氣微開枝頭梅子開似金丸相擊  
菡萏池塘醉到渾如無力紫燕無聲烏鴉影滅處柴門都  
閉幾人賞雨酣飲頓忘岑寂

風流子

曉風吹破屋春將暮聲碎滴簷頭見霧繞千村珠開萬樹  
脚泥燕子帶濕歸樓心歡喜點來翻麥浪響過徹溪流茅  
屋閉門青山洗嗽牧童幾個戴笠騎牛停雲時午後凝  
眸望滿目繡錯田疇恍惚紅遮古道綠暎滄洲願自今伊

始桔槔掛月禾秧飲露婦子嬉遊懷想醉翁遺跡今古誰  
儔

西江月

終日陰雲霰霰空過上巳踏青殘紅片片滿長亭兩岸浮  
萍靡定鶯報春歸誰送遊人獨歎飄零五更杜宇更難  
聽萬轉千愁不寢

又

百歲春光有限一年幾度花紅及時笑傲趁東風正好鞦  
韆輕送無奈人生易老又當零雨其濛清明寒食總成

空看破浮雲如夢者

以暇日脩其孝弟忠信

落城泉署示觀風

刑罰省矣稅賦薄矣

不施而比閭族處之間煙火

家謀生饒小人之力追呼無擾而綠野青畦之地田錯如

繡舉趾荷帝力之休可以耕也

翼翼良耜載芟載柞耕何

往而不淡可以耨也有鐮斯趙以

壽茶麥耨何往而不

將見犁雲鋤雨備極終歲之勤勞而占雨量晴無非  
之歲月侯主侯伯侯亞侯旅有壯者焉御事俯育苦莫  
於壯者今何幸而有此壯者也日出而作日入而息有暇  
日焉議贖議輸苦莫於茲日今壯者何幸而有此暇日

始桔槔掛月禾秧飲露婦子嬉遊懷想醉翁遺跡今古誰  
儔

西江月

終日陰雲霖霖空過上巳踏青殘紅片片滿長亭兩岸  
萍靡定鶯報春歸誰送遊人獨歎飄零五更杜宇更誰  
聽萬轉千愁不寢

又

百歲春光有限一年幾度花紅及時笑做趁東風正好  
空春如夢雲如夢生易老又當零雨共懷清明寒食總

澗耕易耨壯者以暇日脩其孝弟忠信

榕城臬署拈  
示觀風諸子

刑罰省矣稅歛薄矣桁楊不施而比閭族處之間煙火萬  
家謀生饒小人之力追呼無擾而綠野青畦之地田錯如  
繡舉趾荷帝力之休可以耕也矍矍良耜載芟載柞耕何  
往而不澗可以耨也有耨斯趙以薺茶蓼耨何往而不易  
將見犁雲鋤雨備極終歲之勤勞而占雨量晴無非優游  
之歲月侯主侯伯侯亞侯旅有壯者焉仰事俯育苦莫苦  
於壯者今何幸而有此壯者也日出而作日入而息有暇  
日焉議贖議輸苦莫苦於茲日今壯者何幸而有此暇日

也以之而婦子饁畝父老携杖子與子言孝伯也負耒耜  
俱無荒第與第言悌出入可以相友守望可以相助子弟  
與子弟言忠信食鬱及蕘烹葵及菽此日之壯者修其孝  
矣力田作苦斗酒相勞此日之壯者修其悌矣彼有遺種  
此有滯穗此日之壯者修其忠信矣夫何幸而有此壯者  
也抑何幸而有此暇日之壯者也寬胼胝之手足以養愚  
氓之天良忘知識之泯芬以見容蓄之大義入事父兄出  
事長上非施仁政不及此  
于山詩詞合選卷之八終

## 跋

史稱韓魏公臨大事決大議不動聲  
色措天下于泰山之安范文正初遺  
宰相書極論天下事他日爲政盡行  
其言語先憂後樂之志海內固已信  
其弘毅而司馬溫公人人引領望其  
爲相非區區材智所能得德之盛而

誠之著也蓋自古一代名世之臣以  
天下爲已任故當艱難險阻之會百  
折不回具堅忍之定力及其當大任  
而勲建名立垂光百世矣此無他有  
非常之識然後能立非常之言成非  
常之功也

大司馬西河于公非常人也特膺

寵命總制兩江

天子倚毗百僚奉法黎民景從未期月而  
數千里之境內外二百餘城之袤廣  
翕然大治鼎備位宇下佩

公之訓莫不以一誠孚格于人迺得

公門下士李君子鵠編次

公歷來著作再拜而伏讀之嘆

公之遠慮淡思沉謀果斷于  
國家大計生民利害洞若觀火皆人所  
不能爲不敢爲者

公之筮仕羅城也處苦寒之邊徼志彌  
堅節彌厲以綏靖遐方自是治蜀治  
楚治閩廿年如一日撫勦東山之事  
列眉指掌恩威並用直足撼天地泣  
鬼神豈非德之至盛誠之至著哉開  
府畿輔之日忠讜入

告孚信

一人朝上而夕

報可

眷賚之隆邁軼千古惟其能行之而始知  
其言之審耳易曰貞固足以幹事其

是之謂歟

公之功業如日方升丕炳天壤則

公之文章當與星日爭光山嶽比壽然

一慮在官在民無由盡見

公之行事與立言也于是敬授之梓播  
之寓內以風厲有位移易風俗天下  
後世服

公之決機如神措安磐石者惟本一誠  
養之素而出之裕也生平事業豪傑  
自知之韓范司馬諸公類如是乎讀  
是書而咸知所奮勵以自盡其爲人  
臣子之職則是書之有裨于世奚可  
量也夫

康熙癸亥夏五月屬下吏三韓劉鼎再

東拜謹跋

夏五月...

...

...

...

...

...

...





